

Y Pwyllgor Iechyd a Gofal Cymdeithasol

HSC(4)-15-12 papur 10

Blaenraglen Waith

PWYLLGOR IECHYD A GOFAL CYMDEITHASOL: BLAENRAGLEN WAITH AC AMSERLEN

Diben

1. Diben y papur hwn yw amlinellu'r busnes a ddisgwylir ar gyfer amserlen y Pwyllgor Iechyd a Gofal Cymdeithasol yn hydref / gaeaf 2012, ac i ofyn am farn Aelodau ar flaenraglen waith y Pwyllgor.

Cefndir

2. Mae'r Pwyllgor Iechyd a Gofal Cymdeithasol yn gyfrifol am archwilio deddfwriaeth a dwyn Llywodraeth Cymru i gyfrif drwy graffu ar faterion gwariant, gweinyddu a pholisi sy'n cynnwys: iechyd corfforol, meddyliol a chyhoeddus pobl Cymru, gan gynnwys y system gofal cymdeithasol.
3. Hyd yma, mae rhaglen y Pwyllgor wedi canolbwyntio ar waith polisi. Gan edrych ar dymor yr hydref a'r gaeaf, mae'n ymddangos y bydd yn gyfnod dwys o ran cyfrifoldebau deddfwriaethol y Pwyllgor.

Busnes a ddisgwylir o Fedi – Rhagfyr 2012

4. Mae nifer o ddarnau o **ddeddfwriaeth** yn debygol o gael eu cyfeirio at y Pwyllgor i'w hystyried yn ffurfiol dros y misoedd nesaf. Ceir manylion pellach am y rhain yn Atodiad A i'r papur hwn. Disgwylir y bydd angen dyrannu'r mwyafrif o amser y Pwyllgor i'r gwaith hwn rhwng Medi a Rhagfyr 2012.
5. Yn ogystal â gwaith deddfwriaethol y Pwyllgor, fe fydd angen iddo ystyried y **gyllideb ddrafft** ar gyfer 2013-14 yn ystod y cyfnod hwn hefyd.
6. O ganlyniad i hyn oll, mae'n anochel y bydd gallu'r Pwyllgor i gyflawnu gwaith **crافu ar bolisi** yn fwy cyfyngedig nag y buodd dros y 12 mis diwethaf. Er hynny, bydd cyfle i wneud darn hyblyg o waith polisi o gwmpas ymrwymadau ddeddfwriaethol a chyllidebol y Pwyllgor.

Opsiynau

7. O ystyried yr angen i raglen y Pwyllgor ganolbwyntio'n fwy ar ddeddfwriaeth yn nhymor yr hydref, fe fydd angen i unrhyw waith polisi a ddewisir gan Aelodau fod yn ddigon hyblyg i gyd-fynd â'r amserlenni penodedig a osodir ar gyfer craffu ar ddeddfwriaeth a'r gyllideb.
8. Fe gynigir, felly, y dylai'r Pwyllgor ddewis un pwnc polisi i'w ystyried yn nhymor yr hydref / gaeaf. Byddai modd trefnu'r gwaith hwn I gydfynd ag ymrwymadau deddfwriaethol a chyllidebol y Pwyllgor.
9. Unwaith i'r Pwyllgor ddewis pwnc, fe fydd Ysgrifenyddiaeth y Pwyllgor yn darparu papur cwmpas a chylch gorchwyl drafft er ystyriaeth Aelodau. Awgrymir y dylai'r Pwyllgor lansio ymgynghoriad dros gyfnod yr haf er mwyn cynnig digon o amser i bobl gyflwyno tystiolaeth ysgrifenedig ar gyfer tymor yr hydref.
10. Er gwybodaeth Aelodau, darperir rhestr o bynciau posib a awgrymwyd gan Aelodau a / neu randdeiliaid yn y gorffennol yn Atodiad B 'r papur hwn.

Y cynnig

11. Gwahoddir Aelodau i:
 - (i) ystyried yr opsiynau a amlinellir ym mharagraffau 7 - 10;
 - (ii) gynnig unrhyw syniadau cychwynnol ar gyfer ymchwiliad.

ATODIAD A – Amserlen posibl deddfwriaeth arfaethedig

Mae'r amserlen isod yn rhoi syniad yn unig ac wedi ei seilio ar wybodaeth a roddwyd gan yr Aelodau sy'n gyfrifol am y ddeddfwriaeth. Mae'n bosibl y caiff y dyddiadau eu newid gan yr Aelodau perthnasol sy'n gyfrifol am y ddeddfwriaeth.

Bil	Yr aelod sy'n gyfrifol	Amseru
Bil Cynllun Sgorio Hylendid Bwyd (Dangos Gwybodaeth) (Cymru)	Bil Llywodraeth – Lesley Griffiths AC, y Gweinidog Iechyd a Gofal Cymdeithasol	Cyfnod 1: Haf – Hydref 2012 Cyfnod 2: Hydref 2012
Bil Gwasanaethau Cymdeithasol (Cymru)	Bil Llywodraeth – Gwenda Thomas AC, y Dirprwy Weinidog Plant a Gwasanaethau Cymdeithasol	Cyfnod 1: Hydref – Gaeaf 2012 Cyfnod 2: Gaeaf – Gwanwyn 2013
Bil Rhoi Organau (Cymru)	Bil Llywodraeth – Lesley Griffiths AC, y Gweinidog Iechyd a Gofal Cymdeithasol	Cyfnod 1: Gaeaf 2012 Cyfnod 2: Gwanwyn 2013
<i>Bill Iechyd y Cyhoedd (Cymru)</i>	<i>Bil Llywodraeth – Lesley Griffiths AC, y Gweinidog Iechyd a Gofal Cymdeithasol</i>	<i>Ail hanner tymor 5 mlynedd y Llywodraeth</i>

Efallai yr hoffai aelodau fod yn ymwybodol hefyd y derbyniodd **Bil Asbestos (Adennill Costau Meddygol)**, a gynigiwyd gan Mick Antoniw AC, ganiatad y Cynulliad i fynd ymlaen. Mae'n debygol y bydd yn dod o dan gylch gwaith y Pwyllgor Iechyd a Gofal Cymdeithasol, ac o ganlyniad, mae'n bosibl y caiff ei gyfeirio at y Pwyllgor i'w ystyried yn ystod Cyfnod 1 a Chyfnod 2 yn hydref a gaeaf 2012.

ATODIAD B – Pynciau ymchwiliadau polisi posib a awgrymwyd hyd yma

Rhestr o bynciau sydd eisoes wedi'u crybwyll gan Aelodau / rhanddeiliaid sydd isod. Nid oes rhaid i Aelodau ddewis o'r rhestr isod – fe'i darparwyd er gwybodaeth yn unig. Gellir darparu rhestr ehangach / mwy o fanylder yn hwyrach yn y tymor, fel bo angen.

- Defnydd Technoleg Gwybodaeth yn y GIG
- Strategaeth / gwasanaethau iechyd meddwl yng Nghymru
- Access to medicines / treatments in Wales
- Gwasanaethau Anabledd Dysgu
- Gofal Iechyd yng Ngharchardai Cymru
- Nyrsys arbenigol a nyrsys ymgynghorol
- Gwasanaethau Cyd-ymatebwyr yng Nghymru
- Anghydraddoldebau iechyd
- Anhwylder Straen Wedi Trawma